

NOVOS CINEMAS. FESTIVAL INTERNACIONAL DE CINEMA DE PONTEVEDRA celebrarase na cidade de Pontevedra, Galicia (España) do **14 ao 19 de decembro do 2021**, e ten como finalidade principal detectar e difundir o talento cinematográfico de cineastas emerxentes, poñendo especial énfase no cinema de carácter autoral.

PRESENTACIÓN

NOVOS CINEMAS#LAB ten como obxectivo xerar unha área de asesoramento e orientación que favoreza o desenvolvemento dos proxectos dos realizadores e realizadoras noveis. O **#LAB** promoverá o encontro entre cineastas e axentes cualificados e especialmente sensibles a proxectos cinematográficos de natureza independente. A finalidade desta interacción é que as obras poidan adaptarse, co maior grao de operatividade e funcionalidade posible, a uns mercados en constante mutación.

Os proxectos suporán a **primeira ou segunda obra de longametraxe** dos seus autores e autoras e deberán atoparse en fase de desenvolvemento (escritura, procura de apoios, pre-produción, etc). Logo dun proceso de selección previo levado a cabo polo equipo de Novos Cinemas, o **#LAB** terá lugar entre o **15 e o 18 de decembro de 2020**. Esta segunda fase consistirá na análise, estudo e asesoramento pormenorizado dos proxectos seleccionados para que poidan materializarse do mellor xeito posible, acadando así os maiores réditos artísticos e económicos. Esta tarefa será desenvolvida por profesionais especializados de contrastada experiencia.

NOVOS CINEMAS#LAB será un espazo de formación e ensaio para cineastas que se atopan nos inicios da súa carreira profesional. Os realizadores/as e/ou produtores/as participantes poderán adquirir as competencias e habilidades necesarias para defender os seus proxectos co maior grao de operatividade, funcionalidade e rendibilidade posible.

Co gallo de fomentar e estimular a produción cinematográfica galega, cando menos unha das catro prazas do **NOVOS CINEMAS#LAB O6** destinarase ao proxecto cinematográfico dun ou dunha cineasta da nosa comunidade autónoma.

O período de admisión de proxectos extenderase do **23 de xuño o ao 30 de setembro de 2021**.

INSCRIPCIÓN

1. A convocatoria está aberta a proxectos de carácter rexional, nacional e internacional con independencia da área xeográfica á que pertenzan.
2. Convocaranse catro (4) prazas para catro (4) proxectos. Cando menos, unha das prazas destinarase a proxectos da comunidade autónoma galega.
3. Os proxectos deberán atoparse na fase inicial da produción: escritura, desenvolvemento, pre-produción.
4. A documentación poderá presentarse nos seguintes idiomas: español, galego e inglés.
5. A inscrición farase a través do cumprimento da [Ficha de Inscrición Online](#).
6. Adxuntarase un *dossier* ca información pertinente sobre o desenvolvemento e intencións do proxecto.
7. No caso de incorporar material audiovisual, este achegarase mediante enlaces privados de visionado (Vimeo e similares).e
8. A data límite de presentación da documentación é o día **10 de setembro de 2020**.

O equipo de Novos Cinemas notificará vía mail aos autores dos proxectos seleccionados da súa inclusión no programa **NOVOS CINEMAS#LAB O6**. Os autores e/ou produtores deberán confirmar a súa asistencia durante a semana seguinte á confirmación.

NOVOS CINEMAS#LAB

1. O #LAB desenvolverase entre os días **15 e 18 de decembro de 2020**.
2. Os proxectos seleccionados serán estudados, analizados e asesorados detalladamente por catro profesionais de recoñecido prestixio internacional.
3. A organización farase cargo dos gastos de estancia e manutención dos realizadores/as seleccionados, así como dunha porcentaxe –por determinar, segundo traxecto e tarifas– do importe das viaxes.

4. No caso de que algún dos proxectos participantes no **#LAB** se materialice, quen teña a titularidade dos dereitos comprométense a incluír nos títulos de crédito de presentación do filme o **a imaxe do NOVOS CINEMAS#LAB** que será proporcionada polo equipo de Novos Cinemas.

ACEPTACIÓN DAS BASES

A organización de NOVOS CINEMAS resérvase o dereito de facer excepcións puntuais a estas bases por causa de forza maior.

Para calquera outra información: lab@novoscinemas.com

**Se a situación sanitaria o esixise, o equipo do festival implementará todas aquelas accións que garantan as medidas promovidas polas autoridades sanitariase as diferentes administracións; aínda que iso supuxese alterar o deseño e desenvolvemento do festival.*